

邵氏聞見后录

一
函
三
冊

3-12-1

邵氏聞見後錄

據曹秋岳鈔本何小山校本

涵芬樓藏版

邵氏聞見後錄序

先人蚤接昔之君子著其聞見於篇甚嚴博不肖外繼

曹本作繼

有得在

前例爲合間後出他記不避也或以司馬遷之書曰太史公猶其

父談云爾曷緒

曹本作序

之篇下亦不失爲遷也嗟夫筆十四

錢本作四十一本作十四曹本

同從改

年獲麟已絕矣續明年又明年孔丘卒非是但曰

錢本作云

一本作曰曹本同從改

聞見後錄云紹興二十七年三月一日丙寅河南邵博序

邵氏聞見後錄卷第一

太祖既定天下嘗令趙普等二三大臣陳當今已施行可利及後

世者普等歷言大政

錢本及曹本作功一本作政從改

數十太祖俾更言其上者普等

歷

一本及曹本無歷字

畢思慮無以言因以爲請太祖曰吾家之事唯養兵可

一本及曹本有可字從補

爲百代之利蓋凶年飢

一本及曹本有飢字從補

歲有叛民而無有無字從補叛

兵不幸樂歲變生有叛兵而無叛民普等頓首曰此聖略非下臣所及予謂議者以本朝養兵爲大費欲復寓兵於農之法書生之見可言而不可用者

葉本曹本無者字哉

自唐以來大臣見君則列坐殿上然後議所進呈事蓋坐而論道之義藝祖即位之一日宰執范質等猶坐藝祖曰吾目昏可自持文書來看質等起進呈罷欲復位已密令中使去其坐矣遂爲故事

太宗以柴禹錫趙鎔皆晉邸故吏頗親任之後禹錫鎔告秦王廷

美陰謀事連宰相盧多遜趙普與多遜有積怨上章乞備樞軸以

糾姦變廷美謫房州多遜謫崖州擢禹錫樞密副使鎔知樞密院

禹錫鎔益散遣吏卒於國門內外偵曹本作伺事吏卒有醉酒與鬻書人

韓玉鬪毆不勝者又誣玉有指斥語禹錫鎔以聞玉伏法太宗尋

知其冤遂疎禹錫鎔一本鎔字在用字下不復信用無葉本作未一本曹本同葉本幾皆罷廷美

以太平興國七年五月遷房陵九年正月卒前詔以是年十一月

有事於泰山五月迅雷中烈火作焚乾元文明二殿罷封泰山柴

禹錫病狂陽趙普亦被重疾委吏甄潛禱於終南上清宮天神降

語云普坐冤累耳廷美至錢本作自一本曹本作至從改真宗咸平二年方自房陵歸

葬汝州梁縣新豐鄉前已追復涪王諡曰悼仁宗卽位贈太師尙

書令並出國史四字錢本作小註從葉本曹本改

國初有神降於鳳翔府鰲屋縣民張守真家自言天之尊神號黑

煞

錢本曹本作殺從孽本改

將軍守真遂爲道士每神欲至室中風蕭然聲如嬰兒

守真獨能辨之凡百之人有禱言其禍福多驗開寶九

錢本曹本作元從葉本改一本

同葉本

年太祖召

葉本作詔

守真見於滋福殿疑其妄十月十九日命內侍王

繼恩就建隆觀降神神有晉王有仁心等語明日太祖晏駕晉王

卽位是謂太宗詔築上清太平宮於終南山下封神爲翊聖將軍

出太宗實錄國史道釋志

以上十字錢本作小註釋下衍老字從葉本曹本改

符瑞志

三字錢本連上條作小註從葉本曹本改

仁皇帝誕降章懿后榻下生靈芝一本四十

二葉以應享國四十二年之瑞云仁皇帝四時衣袂

錢本曹本作夾從葉本改

冬不

御爐夏不御扇稟天地中和之氣故也

燕

曹本作晏

恭肅王仁皇帝叔父也頗自尊大數取金錢於有司曰預計

錢本作討一本及曹本作計從改

吾俸可也積數百萬有司

一本及曹本有司字從補

以聞詔除之御史

沈邈言其不可帝慘然曰御史誤矣太宗之子八人惟王一人在

耳朕當以天下爲養數百萬錢不足計也

此一條錢本連上作一條但空一格從葉本曹本改

仁皇帝慶曆中親除王素歐陽脩蔡襄余靖爲諫官風采傾

曹本有傾字一

本同天下王公言王德用進女口事帝初詰以宮禁事何從知公不

屈帝笑曰朕眞宗之子卿王旦之子有世舊豈他人比德用實進

女口已服事朕左右何如公曰臣之憂正恐在陛下左右耳帝卽

命宮臣賜王德用所進女口錢各三百

曹本空一格

千押出內東門訖奏

帝泣下公曰陛下旣不棄臣言亦何遽也帝曰朕若見其人留戀

不肯去恐亦不能出矣少時宮官奏宮

曹本作言

女已出內東門帝動容

而起

仁皇帝慶曆年京師夏旱諫官王公素乞親行禱雨帝曰太史言

葉本空一格

月二日當雨一日欲出禱公曰臣

錢本作言一本及曹本作曰臣從改

非太史是日

不雨帝問故公曰陛下幸其當雨以禱不誠也不誠不可動天臣

故知不雨帝曰明日禱雨醴泉觀公曰醴泉之近猶外朝

一本及曹本有臣字從補

也豈憚暑不遠出耶帝每意動則耳赤耳已盡赤厲聲曰當禱

一本及曹

本有禱字從補

西太乙宮公曰乞傳旨帝曰車駕出郊不預告卿不知典故

公曰國初以虞非常今久太平預告使

一本有使字從補曹本作但錢無使字但字在百姓下

百姓

瞻望清光者衆耳無虞也諫官故不扈從明日特召王公以從日色甚熾埃霧漲天帝玉色不怡至瓊林苑回望西太乙宮上有雲

氣如香煙以起少時雷電雨甚至帝卻逍遙輦御平輦徹一作徹蓋還

宮又明日召公對帝喜曰朕自卿得雨幸甚又曰昨卽殿庭雨立

百拜焚生龍腦香十七斤至中夜舉體盡濕錢本作乃溫葉本作盡溼一本及曹本同從改公曰

陛下事天當恭畏然陰氣足以致疾亦當慎帝曰念不雨欲自以

身爲犧牲何慎也

此條錢本曹本連上作一條但空一格從葉本改

○

仁皇帝內宴

一本及曹本作燕

十門

曹本作閤

分各進饌有新蟹一品二十八枚帝

曰吾尙未嘗枚直幾錢左右對直一千帝不悅曰數戒汝輩無侈

靡一下箸爲錢二十八千吾不忍也置不食一本於此下另爲一條李處度藏仁

皇帝飛白四民安樂四字旁題化成殿醉書賜貴妃嗚呼雖酒酣

曹本作帝雖酒所

嬪御在列尙不忘四民故自聖帝明王以來錢本曹本有天字一本無從刪獨

以仁諡之也

曹本無也字此條錢本連上作一條但空一格從葉本曹本改

諫官韓絳面奏仁皇帝曰劉獻可遣其子以書抵臣多斥中外大臣過失不敢不聞帝曰朕不欲留人過失於心中卿持歸焚之嗚呼與世主故相離間大

錢本作人據葉本曹本改

臣使各暴其短以爲明者異矣

韓絳又言天子之柄不可下移事當間出睿斷仁皇帝曰朕不憚自有處分深恐未中於理有司奉行則其害已加於人故每欲先盡大臣之慮而行之嗚呼與世主事無細大當否類出手勅用壓外庭公議者異矣

此條錢本連上作一條從葉本曹本改

嘉祐二年秋北虜求仁皇帝御容議者慮有厭勝之術帝曰吾待虜厚必不然遣御史中丞張昇遣之虜主盛儀衛親出迎一見驚肅再拜語其下曰眞聖主也我若生中國不過與之執鞭捧蓋爲

一都虞候

曹本作候當從改

耳其畏服如此

嘉祐中將修東華門太史言太歲在東不可犯仁皇帝批其奏曰東家之西乃西家之東西家之東乃東家之西太歲果何在其興工勿忌

仁皇帝以嘉祐七年十二月丙申幸天章閣召兩府兩制臺諫等觀三朝御書置酒賦詩於羣玉殿庚子再幸天章閣召兩府以下觀瑞物十三種一瑞石文曰趙二十一帝二瑞石文曰眞君王萬歲三瑞木曰大運宋隱起成文四七星珠五金山重二十餘斤六丹砂山重十餘斤七馬蹄金錢本作金蹄一本作蹄金曹本同從改八軟石九白石乳花十瑞木左右異色十曹本十上一字一瑞竹一節有二絃並生其中十二

龍卵有紫斑而小十三鳳卵色白而大觀太宗眞宗御集面書飛白命翰林學士王珪題姓名徧賜之又幸羣玉殿置酒作樂親諭

一本及曹本作喻

以前日之燕草創故再爲之無惜盡醉獨召宰相韓琦至榻前酌鹿胎酒一大杯琦一舉而盡各以金盤貯香藥分賜之明

年三月帝升遐故韓琦哀冊文云因驚前會之非常似與羣臣而敘別也

仁皇帝崩遣使計於

一本及曹本有大字

契丹燕境之人無遠近皆聚哭虜主

執使者手號慟曰四十二年不識兵革矣其後北朝葬仁皇帝所賜御衣嚴事之如其祖宗陵墓云

真宗時皇嗣未生以綠車旄節迎濮安懿王養之禁中至仁宗生用簫韶部樂送還邸後仁宗亦以皇嗣未生用真宗故事選近屬得英宗養禁中以至嗣位英宗蓋濮王第十三子殆天意也

此條錢本葉本

連上作一條一本另爲一條曹本同從改

文思院奉上之私無物不集

葉本曹本作具

宣仁后同聽政九年不取一物

嗚呼賢哉

上爲天下兵馬大元帥至南都筮日卽帝位昭慈太后遣內侍官邵成章以乘輿服御來有一道冠非人間之制成章捧以奉上曰

太母令奏

錢本作奉葉本曹本作奏一本同從改

殿下祖宗以來退朝燕閑

曹本作閒下同

不裹巾

只戴道冠自神宗始易以巾非舊制也願殿下卽位後退朝燕閑只戴此冠庶幾如祖宗時氣象上流涕受之

王制天子七廟三昭三穆與太祖之廟而七明太祖之外止有三

昭三穆而已前代帝王於太祖未正東嚮之時大率所祀不過六

世

一本曹本有世字從補

初英宗卽位祔仁宗而遷僖祖至神宗卽位祔英宗復

還僖祖而遷順祖司馬文正公范文忠公皆言僖祖當遷太祖當

正東嚮之位最後孫觀文固言漢高祖得天下與商周異故太上

皇不得爲始祖光武之興亦不敢尊春陵今國家據南面之尊享

四海九州之奉者皆

一本及曹本有皆字從補

太祖之所授也不當以僖祖替

曹本作替

祀請以太祖爲始祖而爲僖祖立廟如周人別祀姜嫄之禮禘祫

之日奉祧主

一本及曹本有主字從補

東嚮此韓愈所謂祖以孫尊孫以祖屈之意

也丞相韓魏公讀之嘆曰此議足以傳不朽矣王荊公薄禮學又

喜爲異獨以爲不然三公之議格不行今太祖猶未正東嚮之位云

元豐三年初行官制以階

錢本作皆一本作階曹本同從改

易官寄

錢本作爵葉本曹本作寄一本同從改

祿

新格中書令侍中同平章事爲開府儀同三司左右僕射爲特進吏部尙書爲金紫光祿大夫五曹尙書爲銀青光祿大夫左右丞爲光祿大夫六曹侍郎爲正議大夫給事中爲通議大夫左右議諫爲太中大夫祕書監爲中大夫光祿卿至少府監爲中散大夫太常至司農少卿爲朝議六曹郎中爲一本有爲字曹本同從補朝請朝散朝奉大夫凡三等員外郎爲朝請朝散朝奉郎凡三等起居舍人爲朝散郎司諫爲朝奉郎正言太常國子博士爲承議郎太常祕書殿中丞爲奉議郎太子中允贊善大夫中舍洗馬爲通直郎著作佐郎大理寺丞爲宣德郎光祿衛尉寺將作監丞爲宣義郎大理評事爲承事郎太常寺太祝奉禮郎爲承奉郎祕書省校書郎正字將

作監主簿爲

一本有爲字
曹本同從補

承務郎今歲月浸遠舊官制少有知者予故

詳出

曹本無之
出字

元符末徽宗卽位皇六

曹本
作太后

后垂簾同聽政詔復哲宗元祐皇后孟

氏位號自瑤華宮入居禁中有馮澥者論其不可曰上於元祐后

叔嫂也叔無復嫂之禮程伊川謂先人曰元祐后之賢故

一本
作固

也論

亦未爲無禮先人曰不然禮曰子甚宜其妻父母不悅

一本及
曹作說

出子

不宜其妻父母曰是善事我子行夫婦之禮焉皇太后於哲宗母

也於元祐后姑也母之命姑之命何爲不可非上以叔復嫂也伊

川喜曰子之言得矣

錢本葉本作子得之矣曹本作子
之得矣一本作子之言得矣從改

紹興己未春金人初許歸徽宗梓宮宰臣上陵名永固有王銍者

言犯後魏明帝

葉本曹本
並無帝字

後周文宣二后陵名下祕書省參考如銍

言然前漢平帝後漢殤帝十國劉龔

一本作龔曹本同按南唐書
南漢劉巖改名龔又改名龔同日康陵

本朝順祖亦曰康陵後魏明帝後周宣帝唐中宗同曰定陵本朝

翼

錢本作僭一本作翼曹本同從改

祖亦曰定陵前漢惠

錢本作後一本作惠曹本同從改

帝唐懿宗王后

同曰安陵本朝宣祖亦曰安陵唐太宗曰昭陵本朝仁宗曰永昭陵後魏宣武后曰永泰陵唐玄宗曰泰陵本朝哲宗亦曰永泰陵蓋本朝陵名犯前代陵名者不一祖宗以來不避也予時爲校書郎爲祕監言具白丞相不報再議徽宗陵名改永祐云

本朝太祖神宗哲宗實錄皆有二本其更修各有自云

此條錢本曹本皆連上作一條

從葉本改

國初詔有司周文武成康陵各具袞冕掩閉亦不免唐末五代暴

發之禍矣

矣字曹本無

漢唐以下

錢本作來葉本曹本作下一本同從改

陵墓不足道也

此條錢本連上作一條

條從葉本曹本改

先人在元符年奏書直宣仁后事刑部有罪籍者三十年不赦晚著辯誣猶三十年奏書也國有誣諜豈可直先人疾病撫其書曰但俱吾藏山中耳上聖明元年之二日詔揚宣仁后之功削誣諜

下有司索先人辯誣先人已

錢本作既一本作已曹本同從改

薨予兄弟追懷遲慮未

敢上有司急以復命則奏曰與其藏諸名山爲百世未見之書曷

若上於公朝補一代不刊之史詔以

詔以下二十二字曹本無

辯誣祕著作之庭謹

錢本作諫葉本作謹一本同從改

按新史亦作辯誣一書著得於先人辯誣者每曰河

南邵某云初無先人斥一時用事者之言也用事者之家意予兄弟近擬一書以附國論又誣矣故具列上元年二日詔哲宗實錄曾丞相以下文字以明今日正論不獨自先人辯誣出云

邵氏聞見後錄卷第一